



Broj: 08-08-1- 738/25
Sarajevo, 05.01.2026. godine

Na osnovu člana 45. stav (5) u vezi sa tačkom c) Zakona o javnim nabavkama („Službeni glasnik BiH“ br. 39/14, 59/22 i 50/24), na temelju člana 45. i 51. Statuta „Operator-Terminali Federacije“ d.o.o. Sarajevo (pročišćeni tekst) broj: 01-01-2-459-2/25 od 04.09.2025.godine, Uprava „Operator-Terminali Federacije“ d.o.o. Sarajevo, donosi:

O D L U K U

O ISKLJUČENJU IZ UČEŠĆA U POSTUPKU NABAVKE KANDIDATA/PONUĐAČA

Član 1.

Iz postupaka javnih nabavki koje provodi „Operator – Terminali Federacije“ d.o.o. Sarajevo, isključuje se ponuđač „HKP Consulting“ d.o.o Banja Luka sa sjedištem na adresi Vidovdanska br.8, 78 000 Banja Luka, Bosna i Hercegovina.

Član 2.

Odluka stupa na snagu sa danom donošenja i primjenjivat će se 12 (dvanaest) mjeseci od dana donošenja.

Obrazloženje:

„Operator - Terminali Federacije“ d.o.o. Sarajevo i HKP Consulting d.o.o Banja Luka su dana 06.10.2025.godine zaključili Ugovor o pružanju usluga projektovanja- Izrada projekta sanacije platoa kod manipualtivnih spreminak živinice -LOT 2.

Ugovor se zaključio nakon provedenog konkurentskog zahtijeva za dostavu ponuda nakon kojeg je „HKP Consulting“ d.o.o. Banja Luka izabran za najpovoljnijeg ponuđača.

Članom 2. potpisanog Ugovora Izvršilac usluge se obavezao da će usluge koje su predmet ugovora pružiti u roku od 30 (trideset) dana od dana potpisivanja ugovora na način kako je to ugovorom predviđeno.

S obzirom na to da ni nakon proteka 60 dana od dana zaključenja ugovora, usprkos višestrukim bezuspješnim pokušajima organiziranja sastanka radi davanja uputa za realizaciju ugovora, do istog nije došlo, stekli su se uvjeti za raskid ugovora.

Imajući u vidu gore navedeno, te da je članom 2. potpisanog ugovora rok za izvršenje ugovorne obaveze bio 30 (trideset) dana, Ugovorni organ je odlučio da postupi u skladu sa odredbom člana 11. potpisanog ugovora, te na osnovu člana 124. a u vezi sa članom 128. Zakona o obligacionim odnosima („Službeni list RBiH“, br. 2/92, 13/93 i 13/94 ; Službene novine FBiH“ br.29/2003 i 42/2011), tj. da jednostrano raskine ugovor sa izvršiocem usluge, iz razloga što je izvjesno da izvršilac ne izvršava i ne planira izvršiti ugovorom predviđenu obavezu. Ugovorni organ je donio Izjavu o jednostranom raskidu ugovora br. 08-08-1-453-17/25 od 10.12.2025.godine, te istu dostavio HKP Consulting d.o.o. Banja Luka.

Članom 45. stav (5) tačka c) Zakona o javnim nabavkama propisano je da se ponuditelj može isključiti iz učešća u postupku nabavke ako se utvrde značajni nedostaci tokom provedbe prethodnog ugovora čija je posljedica bila raskid tog prethodnog ugovora.

U vezi sa navedenim, primjenom odredbi člana 45. stav 5 Zakona o javnim nabavkama Ugovorno tijelo je donijelo odluku kao u dispozitivu.

U skladu sa odredbom Člana 99. i 101. Zakona o javnim nabavkama protiv ove odluke se može izjaviti žalba u roku od 10 (deset) dana od dana zaprimanja odluke.

Žalba se podnosi Uredu za razmatranje žalbi u pisanom obliku putem Ugovornog tijela kao prvostepenog tijela. Žalba se predaje neposredno Ugovornom tijelu ili putem preporučene pošiljke, u dovoljnom broju primjeraka a koji ne može biti manji od 3 (tri).

Pouka o pravnom lijeku:

Protiv ove odluke se može izjaviti žalba u roku od 10 (deset) dana od dana zaprimanja odluke.

Damir Kreso

predsjednik Uprave



Adrijana Zarinković

član Uprave

Dostaviti:

1. HKP Consulting d.o.o. Banja Luka
2. Služba za javne nabavke
3. Web stranica Ugovornog organa

PDV broj: 200977100007 • ID broj: 4200977100007 • MBS: 65-01-0569-10

Transakcijski broj računa: 1340011110002407 „Asa Banka d.d. Sarajevo“ • 1990490056628065 „Sparkasse Bank“ d.d. Bosna i Hercegovina • 1549212004576678 „Intesa Sanpaolo Banka“ d.d. Bosna i Hercegovina